



Ove Kambestad
Bleievegen 29
5776 Nå

Saksbehandlar, innvalstelefon

Rune Johan Mikkelsen, 5557 2181

Løyve til planting av fjelledelgran for juletreproduksjon i Ullensvang herad - Ove Kambestad

Ove Kambestad får løyve til planting av fjelledelgran på eigedomen gnr. 52 bnr. 1 i Ullensvang herad. Føremålet med plantinga er juletreproduksjon. Det er knytt vilkår til løyvet, jf. saksutgreiinga.

Vi viser til din søknad dagsett 23. januar 2019 om planting av fjelledelgran for juletreproduksjon på gnr. 52 bnr. 1 i Ullensvang herad.

Innhald i søknaden

Det er søkt om å plante 10 000 fjelledelgran (*Abies lasiocarpa*) på eigedomen gnr 52 bnr. 1 i Ullensvang herad. Arealet er på om lag 20 dekar, brakklagt jordbruksområde og tidlegare juletrefelt (fjelledelgran). Føremålet med plantinga er å ta i bruk areal som i dag ikkje er i produksjon på garden.

Fylkesmannens vurdering

Søknaden er handsama etter forskrift om utsetting av utanlandske treslag til skogbruksformål, med heimel i naturmangfaldlova. Ved utøving av offentlig mynde som kan påverke naturmangfaldet skal prinsippa i naturmangfaldlova §§ 8-12 ligge til grunn for sakshandsaminga, jf. § 7.

Informasjon i søknaden, kunnskap om fjelledelgran frå Artsdatabanken og registrerte førekomstar av trua artar og naturtypar frå Naturbase og Artskart ligg til grunn for handsaminga, jf. naturmangfaldlova § 8. Kunnskapen om distansespreiing av fjelledelgran er noko mangelfull og føre-var-prinsippet i naturmangfaldlova § 9 er difor tillagt vekt i saka.



Fjelledelgran er oppført på fremmedartslista og er vurdert til kategorien *Låg økologisk risiko* av Artsdatabanken. Fjelledelgran set frø ved 20-30 års alder og planting av dette treslaget vil difor ikkje innebere spreingsfare når dei skal nyttast i juletreproduksjon og vert hogd før dei blir frøsetjande.

For å redusere faren for spreing vert det sett vilkår om felling av trea innan 15 års alder, jf. naturmangfaldlova § 9.

Det er ikkje registrert trua artar eller naturtypar i eller grensande til utsettingsområdet. Faren for spreing frå feltet blir handtert gjennom vilkåra til løyvet. Tiltaket vil difor i liten grad bidra til å auke den samla belastninga frå framande bartre i området, jf. naturmangfaldlova § 10. Vi meiner det ikkje er grunn til å anta at planting vil medføre vesentlege uheldige følgjer for naturmangfaldet, jf. utsettingsforskrifta § 7.

Dersom brot på vilkåra i løyvet fører til skade på stadeige naturmangfald må tiltakshavar bere kostnadane for å rette opp dette, jf. naturmangfaldlova § 11.

Val av driftsmetodar og teknikkar skal etter § 12 ta best mogleg omsyn til naturmiljøet, slik at resultatet gir dei beste samfunnsmessige resultata. Utover dei føringar som følgjer av anna lovverk, som til dømes for bruk av sprøytemiddel og gjødsel, har vi ikkje spesielle merknadar til dette i denne saka.

Vedtak

Ove Kambestad får løyve til å plante 10 000 fjelledelgran på gnr. 52 bnr. 1 i Ullensvang herad. Det er knytt vilkår til løyvet:

- Løyvet gjeld område avteikna på kartvedlegget til søknaden.
- All fjelledelgran må hoggast før trea er 15 år.
- Det må etablerast rutinar for internkontroll etter § 10 i forskrifta.
- Dette dokumentet må gjerast kjent og bli overført til ny grunneigar ved eventuelt eigarskifte.
- Dersom juletreproduksjonen blir avvikla må alle trea hoggast.

Vedtaket er heimla i *Forskrift om utsetting av utenlandske treslag til skogbruksformål*, av 01.07.2012.

Omdisponering

Eit løyve gitt i medhald av *Forskrift om utsetting av utenlandske treslag til skogbruksformål* gir ikkje automatisk løyve til omdisponering av dyrka og dyrkbar mark til skog-/juletreproduksjon. Ved spørsmål om omdisponering kan du kontakte Ullensvang herad.

Klagerett

Alle med rettsleg klageinteresse kan klage på vedtaket innan tre veker, jf. forvaltningslova §§ 28 og 29. Klega skal stilast til Miljødirektoratet, men sendast til Fylkesmannen i Vestland.



Med helsing

Eline Orheim
seksjonsleiar

Rune Johan Mikkelsen
seniorrådgjevar

Dokumentet er elektronisk godkjent